

տեանն: վասն հայր մաշտոցին յայտ լիցի, զի հոգացայ յոյժ այսր անդր հարցանելով, և անհնարին եղև գտանել զնա աստ. այլ գտանի ասեն՝ այն ի վանս ինչ արևելից՝ յանկիւրիայ, և յայլ տեղիս: Իսկ գտապարեալ հասարակ մաշտոցն, զոր ունիմք և մեք ի վանս, վաճառեն յոյժ ծանրագին:... Բաց ի թղթոյ անտի բառգրքին ստեփան վարդապետին ոչ գոյ աստ, այլ ի լեն գտանի: (Հ. Իգնատիոս առ Մեղգոնեան, 1756 մայիսի 17. Կ. Պոլիս):

ձկե.

Զմի թուղթ օրինակի բառգրքին Ստեփան վարդապետին առաքեցի ձեզ ընդ հայր Գէորգ վարդապետին: Զձեր խնդրեալ հայոց զհայր մաշտոցն ստէպ հարցեալ այսր անդր ոչ ուրեք գտաք, բայց գտանի ասացին զայն ի վանս հայոց յարևելս յանկիւրիայ, և այլուր. և զայն ևս ոչ տան արտաքս, որպէս լուաք յոմանց: Սակայն աստ գտի միայն զեպիսկոպոս օրհնելոյ կարգն, զթագաւոր և զեկեղեցի օրհնելոյ. և ոչ գոյ ինձ ժամանակ օրինակելոյ: զայն: (Հ. Իգնատիոս առ Հ. Սիմոն [Կ. Պոլսեցի Աստուածատրեան], 1756 մայիսի 17. Կ. Պոլիս):

ձկզ.

Յաւուրս յայտոսիկ առեալ զնորընծայս զնամք ի Նովենթայ ի զբօսանս: Սկսաք շինել զտօլապսն զբքատան փառաւոր: Տուաք ևս շինել ի վերայ կարեաց սենեկաց զայլ նոյնչափ տեղիս, յոր մտեալ լինի ի վերին սրահէն, և ի վերայ այնորիկ թարաց, տեղի զբօսանաց, որպէս էր հին թարացն առաջի մեծ պատուհանին, զոր աւերեաց լուսահոգին և զայլ փոքր շինեաց: (Մեղգոնեան առ Հ. Միքայել, 1756 յունիսի 5. [Ս. Ղազար]):

ձկե.

Արդ էնջիբլիքան աստ սկսաւ տպիլ ի փրօփականտա 1756 ի մայիսի 17: Նաև հրաման է ի պապէն որք ամենայն ազգք յեկեղեցին իւրեանց պատարագեսցեն և ոչ ի լաթին, որպէս ես այժմ պատարագեմ ի մեր եկեղեցին ի մայիսի 18: (Մեկրոպ Եպս. Քեանեա Արապեան առ Մեղգոնեան, 1756 յունիսի 8. [Հռովմ]):

ձկզ.

Զվէմն մարմարոնեայ երկաթագիր տառիւք չքնաղս քանդակեալ, և զքանդակսն սևափայլ դեղովք լցեալ՝ եղաք ի ճակատ եկեղեցւոյս ի յիշատակ յաւիտենական առ յապայ եկելոցն: Այլ ի լրումն պատմութեանս և զվիրգիւեանն բանահիստութիւն զ ի նմա քանդակեալն աստէն տողեցից. «Եկեղեցիս փոքրակառոյց՝ լուսաւորչին հոգւոց մերոց, յիշատակ է ազգիս հայոց. յիւրեանց արդեանց ւ ստացուածոց, պէլրդատի հատուածական ի նայիսօ պանդխտելոց»: (Հ. Յովնանեա վրդ. առ Հ. Անդրեաս, 1756 յուլիսի 23. [Նախօց?]):

ձկր.

Կալլիացին ընդ արծուոյն դաշնադրեալ է բազում մասամբ և պայմանօք, ուստի արծիւն այժմ ոչ է ընդ անկլային, մանաւանդ ներհակ ևս է նմա. մօսկա ևս է ընդ սոսա: Կալլիացին դուտոր տալոց է արծուոյ որդւոյն, և դեռ չէ տուեալ: Արծիւն ընդ պրուշին գրգռեալ է ի մարտ, օգնական ունելով իւր ի կալլիացւոյն իբր յիսուն հազարից: Եւ ընդ այս պայմանադրութիւն յահի են եւ-